



Inatsisartunut ilaasortaq Sara Olsvig, Inuit Ataqaigiit
Inatsisartut Allattoqarfiat
/Maani

Eqqartuussissuserisut misissuinerat pillugu § 37 naapertorlugu apeqqummut 119-imut akissut

08-05-2015
Suliap nr. 2015-114770
Allakkat nr. 1961634

Asasara Sara Olsvig

Postboks 101
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Inatsisartut suleriaasianni § 37 naapertorlugu Pituffimmi sakkutooqarfinnut kiffartuussinissamik isumaqatigiissutip Namminersorlutik Oqartussat suliaqarsimanerisa eqqartuussissuserisunit pilersaarutaasumik misissuiffigineqarnissaat pillugu arlalinnik apeqquteqarputit. Apeqqutit uannit akineqartussanngortinneqarsimapput.

Apeqqutigineqartunut akissutikka ataani tulleriarlutik allassimapput:

Apeqqut:

§ 37 tunngavigalugu apeqquteqaatinnut kingullermut Naalakkersuisut akipput eqqartuussissuserisoq Pituffimmi kiffartuussinermut isumaqatigiissut pillugu misissueqquneqarsimasoq eqqartuussissuserisunut ileqquusut pillugit maleruaqqusat malillugit misissuineramik aallartinneqareersumik isumaginnissinnaanngitsutut nalilerneqarmat. Sooq taama naliliisoqarpa kinalu taama naliliiva?

Akissut:

Ilisimatitsissutigisinnaavara eqqartuussissuserisoq Anita Strauss Sørensen, Nuna Advokater, eqqartuussissuserisup Ole Spiermannip misissuinerminut atatillugu inuit oqaloqatigiumasimasaasa ilaata ataatsip eqqartuussissuserisuattut inissisimasup isummani saqqummiullugit oqaatigisimmagu eqqartuussissuserisup Ole Spiermannip eqqartuussissuserisut ileqqorissaarnissamik maleruagassaat naapertorlugit eqqartuussissuserisutut suliaq aallartinneqarsimasoq isumagisinnaanngikkaa.

§ 37 apeqqummut nr 52-imut akissutinni oqaatigaara isumaqarlunga eqqartuussissuserisoq Ole Spiermann Namminersorlutik Oqartussanut imatut attuumassuteqartiginngitsoq allaat misissuineramik paasinninnera arlaannaannulluunniit attuumassuteqanngitsutut isigineqarsinnaanngitsoq.

Ilisimatitsissutigisinnaavara Advokatrådets Responsumudvalg ulloq 29. april 2015 eqqartuussissuserisumut Ole Spiermannimut aamma eqqartuussissuserisumut Anita Strauss Sørensenimut oqaaseqaammik nassitsisimammat, tassani ataatsimiitaliap immikkut isiginiarsimavaa eqqartuussissuserisunit arlaannaannulluunniit attuumassuteqanngitsumik misissuineq ingerlasoq eqqartuussissuserisumit Ole

Spiermannimit nangingeqarpat tamanna eqqartuussissuserisut ileqqorissaarnissamik maleruagassaannut naapertuunnersoq.

Nuannaarutigalugu maluginiarpara eqqartuussissuserisup Ole Spiermannip eqqartuussissuserisutut misissuineramik ingerlatsinera ingerlatsiinnassappallu soqutigisanut tunngatillugu akerleriissutaasinnaanera akerleriissutinngortitsisinnaaneraluunniit tunngavissaqanngitsutut Responsumudvalget-imit nalilerneqarmat.

Naalackersuisut ulloq 30. april 2015 Responsumudvalg-ip oqaaseqaataa tamakkerlugu www.naalackersuisut.gl.-ikkut.sagqummersippaat.

Apeqqut:

Naalackersuisut akissutiminni aamma allapput Advokatrádets Responsumudvalg-iata Bruun & Hjejle Namminersorlutillu Oqartussat tapersissappagit misissuineq nangingeqassasoq. Namminersorlutik Oqartussat sumut taperseqqugamik?

Akissut:

Apeqqummut siuliani akissutigisakka innersuussutigissavakka, tassani atuarneqarsinnaavoq Naalackersuisut isumaqartuarsimasut eqqartuussissuserisup Ole Spiermannip eqqartuussissuserisut misissuinissaanik aallartinneqarsimasumik ingerlatsissappat tamanna eqqartuussissuserisut ileqqorissaarnissamik maleruagassaannut akornutaanaviangitsoq.

Tamatuma saniatigut § 37 apeqqummut nr 112-imut akissutikka innersuussutigissavakka tassani atuarneqarsinnaalluni eqqartuussissuserisunit misissuineq susasaqartunit tamanit tatigineqarnissaa qulakkeerniarlugu eqqartuussissuserisup Ole Spiermannip eqqartuussissuserisut ileqqorissaarnissamik maleruagassaat naapertorlugit misissuineramik ingerlatsisinnaanissaminut piukkunnassusaa Advokatrádets Responsumudvalg-imut isummerfigisassanngortinneqarsimasoq.

Naggataatigut innersuussutigissavara Advokatrádets Responsumudvalget-ip eqqartuussissuserisup Ole Spiermannip eqqartuussissuserisutut misissuineramik ingerlatsinera ingerlatsiinnassappallu soqutigisanut tunngatillugu akerleriissutaasinnaanera akerleriissutinngortitsisinnaaneraluunniit tunngavissaqanngitsutut naliliinera.

Apeqqut:

Namminersorlutik Oqartussat taperserneqassappata eqqartuussuserisumut misissuitisineq juunimi ukioq manna naammassisinnaassasoq nalilerneqarpoq. Namminersorlutik Oqartussat taperserneqassanngippata, taava qaqugu misissuineq naammassineqarsinnaassangatinneqassava?

Akissut:

Advokatrádets Responsumudvalg-ip oqaaseqaataata, Namminersorlutik Oqartussat suliamut tunngatillugu isumaannut naapertuuttut, imarisai naapertorlugit naatsorsuutigineqarpoq misissuineq 2015-imi juni-p qaammataani naammassineqarsinnaassasoq.

Apeqquut:

Namminersorlutik Oqartussat taperserneqarpata taperserneqanngippataluunniit eqqartuussissuserisumut misissuititsineq akisunerusunngussangatinneqarpa?

Akissut:

Siuliani akissutinni atuarneqarsinnaasutut suliaq Advokatrådets Responsumudvalg-imut qaqlertinneqarpoq eqqartuussissuserisup misissuina suliamut attuumassuteqartunit tamanit tatigineqarsinnaanissaa pingaartinneqarmat.

Advokatrådets Responsumudvalg-imut suliassanngortitsineq fakturaliarineqartussami takuneqarsinnaajumaartoq naatsorsuutigaaara aammalu eqqartuussissuserisumit suliassamut aallartinneqartumut aningaasartuutissat tamatuma kingunerisaanik annertunerusumik sunnerneqarnaviangitsut.

Apeqquut:

Aviisimi AG-mi apriliip 29.-ni saqqummersumi allassimavoq apersorneqarsimasut ilaat oqarsimasoq eqqartuussissuserisoq toqqarneqarsimasoq "Siumukkunnut, Siulittaasup Naalakkersuisoqarfianut Pituffimmullu tunngasuni illuatungeriinnut qanippallaartoq". Naalakkersuisut tamanna qanoq isumaqarfigivaat?

Akissut:

Atermik taasaqarani aviisitigut oqaaserisimasat nalinginnaasumik pisortatigoortumik oqaaseqarfigerusunneq ajorpakka. Apeqqutinut allanut tunngatillugu akissutinni aammalu Responsumudvalget-ip oqaaseqaataani atuarneqarsinnaasutut eqqartuussissuserisup Ole Spiermannip eqqartuussissuserisutut suliassanik suliaqartussanngorlugu toqqarneqarsimanagera apeqquserneqarsinnaanngilaq.

Taamaattumik uannut pingaaruteqarpoq Advokatrådets Responsumudvalget naliliimat eqqartuussissuserisup Ole Spiermannip eqqartuussissuserisut suliassanik ingerlatsiinnarsinnaanissaanut soqutigisanik aporaattoqaranilu aporaattoqarsinnaanera aarleq-qutissaqanngitsoq, taamaattumillu eqqartuussissuserisut suliaat aallartinneqaqqissaaq, misissuinerullu inerneru 2015-imi junimi naammassissangatinneqarluni.

Neriuppunga qulaani allassimasuni akissutigisakka naammagissagitit.

Inussiarnersumik inuulluaqqusillunga



Kim Kielsen

